

CONVENIO DE COLABORACIÓN ENTRE A CONSELLERÍA DE VIVENDA E PLANIFICACIÓN DE INFRAESTRUTURAS, AXENCIA GALEGA DE INFRAESTRUTURAS E O CONCELLO DE BAIONA PARA O FINANCIAMENTO DAS OBRAS DA FASE II DA HUMANIZACIÓN DA TRAVESÍA INTERIOR DE SABARÍS

REUNIDOS

Por unha banda, María Martínez Allegue, en nome e representación da Consellería de Vivenda e Planificación de Infraestruturas, actuando no exercicio do seu cargo, en virtude do Decreto 44/2024, do 14 de abril (DOG núm. 73 do 14 de abril) e en función das atribucións que lle confire o artigo 34.10 da Lei 1/1983, do 22 de febreiro, reguladora da Xunta e da súa presidencia, e como presidenta da Axencia Galega de Infraestruturas, consonte co Decreto 173/2011, do 4 de agosto, polo que se aproba o estatuto da Axencia Galega de Infraestruturas.

Doutra parte, Jesús Vázquez Almuíña, alcalde-presidente do Concello de Baiona, no exercicio das atribucións conferidas no artigo 21 da Lei 7/1985, do 2 de abril, reguladora das bases do réxime local.

Ambas as partes recoñécense mutuamente, na calidade na que interveñen, capacidade legal suficiente para o outorgamento deste convenio e para o efecto,

EXPOÑEN

I. O Concello de Baiona promoveu no ano 2008 un Concurso de Ideas para a futura humanización da travesía interior de Sabarís, desde a rotonda da Ponte Romana ata a rotonda Curva do manco a executar en tres fases: Fase 1, rúa Julián Valverde; Fase 2 Praza Victoria Cadaval e Fase 3, rúa Porta do Sol e Areas.

II. Trala execución das fases 1ª e 3ª pola Xunta de Galicia, en virtude dos convenios de colaboración asinados con data do 04.06.2014 e do 17.03.2016, o concello acordou impulsar a execución das obras correspondentes á 2ª fase, concretamente no ámbito do entorno da Praza Victoria Cadaval e o tramo da rúa Julián Valverde dende o cruce coa rúa José Pereira Troncoso ata a rúa Porta do Sol, dada a necesidade de intervención urxente nesa zona por causa das deficiencias existentes nas rede de saneamento, pluviais e fecais, en aras da protección no medio ambiente, salubridade publica, á vez que se propón a creación dun espazo de calidade para os veciños de Sabarís.

Co fin de articular a colaboración para a execución desta 2ª fase, o 20 de maio de 2016 asinou un novo convenio entre a extinta Consellería de Medio Ambiente e Ordenación do Territorio e o concello, no marco do Plan hURBE 2014-2017.

III. Por Resolución do 21 de marzo de 2017 da Consellería de Medio Ambiente e Ordenación do Territorio, adjudicóuselle o contrato de servizo para a redacción do proxecto básico e de execución da actuación no entorno da Praza Victoria Cadaval e o tramo da rúa Julián Valverde desde o cruce coa rúa



José Pereira Troncoso ata a rúa Porta do Sol á empresa SGS TECNOS, S.A.

IV. Por Resolución do 3 de febreiro de 2020 da Conselleira de Medio Ambiente, Ordenación do Territorio e Vivenda acordouse a resolución do convenio asinado o 20 de maio de 2016 por non poder cumprir o concello coa obriga sinalada no apartado primeiro da cláusula segunda do convenio, sen que se executara a obra obxecto de acordo.

V. O día 25 de setembro de 2023 tivo entrada nesta dirección xeral un escrito da alcaldía solicitando a recuperación do convenio para executar a Fase II do Proxecto Humanización da travesía interior de Sabarís, modificando o seu ámbito, ao excluír a Praza Victoria Cadaval e ampliálo á rúa Porta do Sol, como era orixinalmente a Fase II.

VI. Aos efectos de poder atender a petición do Concello de Baiona e proceder á sinatura do convenio foi precisa a contratación pola Dirección Xeral de Ordenación do Territorio e Urbanismo do servizo de redacción do proxecto básico e de execución das obras da *Fase II da humanización da travesía interior de Sabarís: actuación no tramo da rúa Julián Valverde, dende o cruce coa rúa José Pereira Troncoso ata a rotonda da rúa Porta do Sol*. Por resolución da directora xeral de Ordenación do Territorio e Urbanismo, actuando en nome da Vicepresidenta Segunda e Conselleira de Medio Ambiente, Territorio e Vivenda, por delegación de atribucións segundo a Orde do 25 de outubro de 2019, adxudicóuselle o contrato á empresa SGS TECNOS, S.A.

Este proxecto xurde como consecuencia da necesidade de conectar as dúas fases executadas anteriormente e darlle continuidade aos servizos subterráneos e ás condicións de circulación de vehículos e peóns. O ámbito do proxecto vese modificado debido a que no tempo transcorrido tralo remate da anterior fase, o Concello de Baiona acadou a colaboración da Deputación de Pontevedra para a humanización da praza de Victoria Cadaval, razón pola que o ámbito do proxecto a redactar debe deixar fora do mesmo a dita praza.

VII. Acredítase deste xeito que se trata dunha circunstancia singular e sobrevida, que xustifica a tramitación deste convenio, para que o concello afectado poida mellorar as condicións básicas de accesibilidade das infraestruturas, para contribuír á revitalización do seu territorio e da súa riqueza paisaxística.

VIII. A finalidade da colaboración constitúe, deste xeito, unha razón de interese público que lle confire un carácter excepcional á axuda, obxecto do convenio. En consecuencia, consonte co artigo 26.2º da Lei 9/2007, do 13 de xuño, de subvencións de Galicia, faise constar que neste convenio non son de aplicación os principios de publicidade e concorrência pública. Isto xustifica, polo seu carácter de excepcionalidade, o procedemento de concesión directa por serlle de aplicación o establecido no artigo 19.4 c) da Lei 9/2007, do 13 de xuño, de subvencións de Galicia e no 36.c) do Decreto 11/2009, do 8 de xaneiro, polo que se aproba o regulamento da citada Lei de subvencións de Galicia.

IX. A Consellería de Vivenda e Planificación de Infraestruturas é o departamento da Xunta de Galicia ao cal lle corresponden as competencias e funcións en materia de vivenda, urbanismo e planificación de infraestruturas. Tamén lle corresponden as funcións en materia de ordenación do territorio, excepto as relacionadas coa ordenación do litoral, e, en concreto, as previstas no artigo 11.4 da Lei 4/2023, do 6 de xullo, de ordenación e xestión integrada do litoral de Galicia, que serán exercidas pola consellería competente en materia de medio ambiente.

Dentro da consellería correspóndelle á Dirección Xeral de Urbanismo a realización de actuacións de mellora de contornas urbanas, de accesibilidade e supresión de barreiras arquitectónicas e de equipamentos públicos que teñan por finalidade a revitalización do territorio e o reequilibrio territorial, de conformidade ao apartado k) do artigo 13.1 do Decreto 142/2024, do 20 de maio, polo que se establece a estrutura orgánica da consellería (DOG núm. 101, do 27 de maio) e do Decreto 42/2024, do 14 de abril, polo que se establece a estrutura orgánica da Xunta de Galicia (DOG núm. 73 do 14 de abril).

Esta dirección xeral conta con programas dirixidos á dotación de equipamentos públicos e de mellora de contornas urbanas.

Os equipamentos urbanos desempeñan un papel fundamental como elemento dinamizador de desenvolvemento social e cultural da nosa sociedade e son, ademais, elementos estruturais na contorna urbana.

As intervencións definidas como contornas urbanas recollen as actuacións enfocadas a mellorar o espazo público tendo en conta as necesidades de utilización e en relación coa mellora da contorna, o ambiente e a calidade de vida.

O conxunto de vilas dispersas pola nosa xeografía, articulan e centralizan a vida económica, social e cultural do territorio que se atopa baixo a súa área de influencia.

Constitúen verdadeiros motores de dinamización social e económica ao converterse en puntos de localización dun importante número de servizos públicos e privados que permiten achegar o modelo urbano a todo o territorio.

A tal fin e preciso, acometer actuacións orientadas a frear o despoboamento, potenciando as infraestruturas, servizos e equipamentos e, en definitiva, mellorando o benestar e a calidade de vida dos seus habitantes.

En consecuencia co anterior, a actuación, pola súa finalidade, forma parte dunha das principais liñas de acción da Consellería de Vivenda e Planificación de Infraestruturas.

X. A Axencia Galega de Infraestruturas ten entre os seus obxectivos, a mellora da rede viaria de Galicia, a ordenación do territorio e a súa cohesión, de xeito que se proporcione ás persoas usuarias

unha rede eficaz, cómoda e segura, fomentando as relacións municipais e entre municipais na procura e no fomento dun desenvolvemento harmónico.

Entre os instrumentos de planificación que guían a actividade da Axencia está o Plan de Seguridade Viaria de Galicia 2022-2025, aprobado polo Consello da Xunta de Galicia de 28 de abril de 2022. O seu programa de actuación estrutúrase en retos e en accións, sendo o reto número 1 a “visión cero en usuarios vulnerables: mellora da seguridade dos peóns” e a acción 1.1, a construción de beirarrúas e sendas peonís.

XI. O Concello de Baiona ten atribuídas, a teor do artigo 25.2.d) da Lei 7/1985, do 2 de abril, reguladora das bases de réxime local (LBRL), competencias en materia de ordenación, xestión, execución e disciplina urbanística; promoción e xestión de vivendas; parques e xardíns, pavimentación de vías públicas urbanas e conservación de camiños e vías rurais.

XII. A Xunta de Galicia considera axeitado colaborar no financiamento da execución das obras correspondentes á *Fase II da humanización da travesía interior de Sabarís: actuación no tramo da rúa Julián Valverde, dende o cruce coa rúa José Pereira Troncoso ata a rotonda da rúa Porta do Sol* e para iso contribuirá cunha achega económica de un millón oitocentos dezaioito mil novecentos quince euros con cincuenta e oito céntimos (1.818.915,58 €), IVE engadido, equivalente ao 100% do seu custo.

A dita achega, ten que realizarse a través do Concello de Baiona, xa que esta institución é a mais axeitada para o cumprimento dos obxectivos previstos. Por outra banda, nos orzamentos existe crédito adecuado e suficiente para o financiamento da actuación.

Polo exposto, a Consellería de Vivenda e Planificación de Infraestruturas no exercicio das súas competencias, e o Concello de Baiona, no exercicio das que lle atribúe a súa lexislación específica, manifestan a súa vontade de formalizar unha colaboración a través dun convenio que se estrutura nas seguintes

CLÁUSULAS

PRIMEIRA.- OBXECTO

O presente convenio ten por obxecto establecer as bases da colaboración e cooperación técnica e económica entre a Xunta de Galicia e o Concello de Baiona para a execución das obras da *Fase II da humanización da travesía interior de Sabarís: actuación no tramo da rúa Julián Valverde, dende o cruce coa rúa José Pereira Troncoso ata a rotonda da rúa Porta do Sol*.

SEGUNDA.- COMPROMISOS DA XUNTA DE GALICIA

1. A Xunta de Galicia asume os seguintes compromisos:



- A través da Consellería de Vivenda e Planificación de Infraestruturas:

Contribuír ao financiamento das actuacións descritas na cláusula primeira, cunha achega como máximo dun millón douscentos setenta e tres mil douscentos corenta euros con noventa e un céntimos (1.273.240,91 €), IVE engadido, equivalente ao 70% do custo de execución das obras, con cargo a aplicación orzamentaria 11.03.521A.762.0, código de proxecto 2025 00167, dos orzamentos xerais da Comunidade Autónoma, distribuídos nas seguintes anualidades:

- 2025: 636.620,45 €
- 2026: 636.620,46 €

- A través da Axencia Galega de Infraestruturas asume a obriga de financiar a execución das actuacións obxecto deste acordo, cunha achega de cincocentos corenta e cinco mil seiscientos setenta e catro euros con sesenta e sete céntimos (545.674,67 €), equivalente ao 30 % do orzamento total deste acordo, con cargo á aplicación orzamentaria, 11.A1.512B.760.0, código de proxecto 1999 06714, distribuídos nas seguintes anualidades:

- 2025: 272.837,33 €
- 2026: 272.837,34 €

Este acordo tramítase ao abeiro do establecido na Orde do 11 de febreiro de 1998, da Consellería de Economía e Facenda reguladora da tramitación anticipada de gasto, cuxo artigo 3.1 dispón que na tramitación anticipada de expedientes de subvencións poderá chegarse como máximo ata o momento inmediatamente anterior á disposición ou compromiso de gasto, quedando condicionada a súa eficacia á existencia de crédito adecuado e suficiente para financiar as obrigas derivadas deste convenio nos exercicios orzamentarios correspondentes.

A achega correspondente ao ano 2025 terá a consideración de anticipo.

Esta axuda, de acordo co disposto no artigo 40.1º, letra d) do Decreto 11/2009, declárase compatible, no seu caso, con outras achegas, axudas ou subvencións que a entidade beneficiaria destine á execución das actuacións que se describen na cláusula primeira. Non obstante, a suma total de todas elas non poderá superar o 100% do orzamento total que require a actuación. Neste caso, a axuda establecida neste convenio reducirase ata acadar o cumprimento establecido anteriormente.

Logo da adxudicación dos contratos que se celebren para a execución das actuacións necesarias para o cumprimento do obxecto do presente convenio, as baixas que, de selo caso, resulten minorarán o importe da subvención.

2. A Consellería de Vivenda e Planificación de Infraestruturas asumirá, ata o límite establecido no



apartado 1 desta cláusula, o custo da execución das obras, unha vez que polo concello se presenten as correspondentes certificacións de execución dos traballos. Os aboamentos parciais que se efectúen, non superarán o 80% da porcentaxe subvencionable, nin excederán da anualidade correspondente ao exercicio orzamentario.

3. A Consellería de Vivenda e Planificación de Infraestruturas resérvase o dereito de inspeccionar a execución dos traballos en calquera momento, durante a súa execución.

4. Para os efectos do previsto no artigo 27 da Lei 9/2007, do 13 de xuño, de subvencións de Galicia, autorízase ao Concello de Baiona, beneficiario da subvención, para que subcontrate ata o 100% das obras obxecto de subvención. Tal autorización considérase concedida sen prexuízo, se é o caso, do cumprimento das previsións que establecen os números 3º e seguintes do devandito artigo 27.

TERCEIRA.- COMPROMISOS DO CONCELLO

O Concello de Baiona asume as seguintes obrigas:

1. Prestarlle aprobación ao proxecto básico e de execución das obras da *Fase II da humanización da travesía interior de Sabarís: actuación no tramo da rúa Julián Valverde, dende o cruce coa rúa José Pereira Troncoso ata a rotonda da rúa Porta do Sol* contratado pola Dirección Xeral de Urbanismo, con remisión do acordo de aprobación polo órgano municipal competente a dita dirección xeral con carácter previo ao inicio das mesmas.

2. Realizar as xestións pertinentes para a obtención dos permisos, licencias e autorizacións regulamentarias, segundo a normativa vixente que sexa aplicable, asumindo os custos que se xeren por estes conceptos, entre os que non haberá liquidación algunha de tributo municipal á que puidera dar lugar a execución das obras, ao ser o concello o promotor e beneficiario destas actuacións.

3. Aceptar a transferencia de todo o dominio público viario dun tramo da antiga estrada autonómica C-550 que a día de hoxe se corresponde coas rúas Julián Valverde e Porta do Sol. O tramo se identifica co das obras realizadas e proxectadas para a humanización da travesía interior de Sabarís, fase I e fase II, e comprenden aproximadamente un total de 1.167 m, con inicio na Rúa Rúa Julián Valverde, pk 13+070, coordenadas UTM x= 515.308 / y= 4.662.560 e final na Rúa Porta do Sol, pk 14+200, coordenadas UTM x=514.411 / y= 4.662.023.

A sinatura deste convenio xa supón o acordo entre ambas as dúas administracións para a tramitación do expediente de cambio de titularidade, de conformidade co Decreto 66/2016, do 26 de maio, polo que se aproba o Regulamento xeral de estradas de Galicia.

4. Colocar un cartel de obra no que conste de xeito visible a colaboración da Xunta de Galicia.

5. Levar a cabo a contratación, execución, dirección, control e recepción das obras descritas na documentación técnica, así como asumir as obrigas económicas que excedan do importe consignado no apartado 1 da cláusula segunda. Así mesmo, asume a obriga de financiar a súa conta exclusiva, se fora o caso, os posibles modificados do contrato e/ou revisións de prezos que se puideran producir.

6. Comunicarlle á Dirección Xeral de Urbanismo e á Axencia Galega de Infraestruturas a data de recepción das obras para o efecto de que se envíe un representante, que estará presente para os efectos do previsto no artigo 30.2 da Lei 9/2007, do 13 de xuño, de subvencións de Galicia.

7. Presentar obrigatoriamente por medios electrónicos na sede electrónica da Xunta de Galicia, <https://sede.xunta.gal>, a correspondente rendición dunha conta xustificativa integrada pola documentación que se indica de seguido e que incorporará, en todo caso, a certificación da intervención ou do órgano que teña atribuídas as facultades de control da toma de razón en contabilidade e do cumprimento da finalidade para a cal foi concedida a subvención, segundo o disposto no artigo 8 do Decreto 193/2011, de 6 de outubro, polo que se regulan especialidades nas subvencións ás entidades locais galegas:

(i) Copia compulsada dos xustificantes de gasto, certificacións ou calquera outro documento con validez xurídica que permita acreditar o cumprimento da finalidade da subvención. A estes efectos, indica o artigo 3 do citado decreto, que con carácter xeral, considerárase gasto realizado cando se teña contabilizado o recoñecemento da obriga polo órgano competente do concello. Así mesmo, a entidade local beneficiaria deberá acreditar, dentro do prazo dun (1) mes contado a partir da data de recepción dos fondos da axuda, ante a Dirección Xeral de Urbanismo o pagamento dos fondos ao/s contratista/s que executaron as obras obxecto do presente acordo.

Respecto da achega correspondente ao ano 2025, que terá a consideración de anticipo, unha vez adjudicado o contrato, será de aplicación o disposto no artigo 6.3 do Decreto 193/2011 do 6 de outubro, polo que se regulan especialidades nas subvencións ás entidades locais galegas, segundo o cal *Cando así se prevexa expresamente nas bases reguladoras das subvencións, poderanse realizar pagos anticipados que supoñerán entregas de fondos con carácter previo á xustificación, como financiamento necesario para poder levar a cabo as actuacións inherentes á subvención.*

Coa solicitude de anticipo, o concello terá que presentar certificacións ou declaración responsable de estar ao corrente no cumprimento das obrigas tributarias ou fronte á Seguridade Social e de non ter pendentes de pago algunha outra débeda coa Administración pública da Comunidade Autónoma. Así mesmo, debe xuntarse declaración responsable da obtención doutras subvencións, axudas, ingresos ou recursos que financien as actividades subvencionadas.

(ii) Certificación ou acto de aprobación/conformidade do órgano municipal competente; e declaración, de ser o caso, sobre a obtención doutras subvencións, axudas, ingresos ou recursos que financien as actividades subvencionadas.

Así mesmo, deberá achegarse polo Concello:

- Declaración responsable de atoparse ao corrente no cumprimento das obrigas tributarias e fronte á Seguridade Social e de non ter pendente de pago algunha outra débeda coa Administración pública da Comunidade Autónoma, así como unha declaración responsable de non estar incurso en ningunha das prohibicións para obter a condición de beneficiario, establecidas no artigo 10 da Lei 9/2007, do 13 de xuño, de subvencións de Galicia, de conformidade co disposto nos artigos 11 e 13 do regulamento da dita lei, aprobado polo Decreto 11/2009, do 8 de xaneiro.
- Reportaxe fotográfica na que se constate a execución das obras obxecto de convenio, así como a colocación do cartel de obra ao que se fai referencia no apartado 4.
- Indicación do número de conta para o ingreso dos fondos e xuntar unha declaración responsable da veracidade dos datos relativos á dita conta.

A data límite de presentación da referida documentación de xustificación do gasto establécese no día 30 de novembro de 2026. Non obstante, os gastos imputados ao anticipo do ano 2025 deberán estar realizados antes do 31 de decembro de 2025, sen prexuízo de que se xustifiquen na anualidade 2026.

Para a presentación electrónica poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365 (<https://sede.xunta.gal/chave365>). Estes formularios só terán validez se están debidamente asinados polo representante legal da entidade correspondente ou persoa debidamente acreditada.

8. Facilitar, se fose o caso, toda a documentación que requira a Intervención xeral da Comunidade Autónoma, o Tribunal de Contas e o Consello de Contas de Galicia, no exercicio das súas funcións de fiscalización e control do destino das axudas obxecto do presente acordo.

9. Presentar unha declaración responsable de que non concorren, no que lle atinxe, as circunstancias previstas no artigo 10 da Lei 9/2007, do 13 de xuño, de subvencións de Galicia, que imposibilitan para obter a condición de beneficiario dunha subvención pública.

10. Comunicarlle a Dirección Xeral de Urbanismo e á Axencia Galega de Infraestruturas, se fose o caso, as alteracións nas condicións tidas en conta para a concesión da axuda obxecto do presente acordo e, en todo caso, a obtención concorrente de subvencións ou axudas outorgadas por outras administracións, entes públicos ou privados, nacionais ou internacionais aos efectos de propoñer, se procedera, á modificación das condicións establecidas neste convenio.

11. Reintegrarlle á Comunidade Autónoma, de acordo co artigo 33 da Lei 9/2007, a cantidade total ou parcial da axuda establecida neste convenio, e os xuros de demora que no seu caso correspondan

dende o momento do seu pagamento, para o caso de incumprimento das condicións nel establecidas.

12. Asumir, pola súa consideración de beneficiario segundo o artigo 11 da Lei 9/2007, todas as obrigas que, para o mesmo, establece o citado artigo.

13. A concesión de axudas deste convenio queda supeditada ao cumprimento da normativa vixente. De acordo co disposto no artigo 17.3 da Lei 9/2007 e no artigo 40.1º, letra d) do Decreto 11/2009, polo que se aproba o seu regulamento, a achega económica será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou e organismos internacionais.

14. O Concello de Baiona presta expresamente o seu consentimento para que se lle dea ao presente convenio a publicidade que establecen os apartados 1 e 2 do artigo 15 da Lei 1/2016, do 18 de xaneiro, de transparencia e bo goberno, na forma establecida, e nos rexistros públicos regulados no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 21 de decembro, de orzamentos xerais da Comunidade Autónoma de Galicia para o ano 2006 (DOG núm. 153 do 9 de agosto). Polo tanto, o convenio será obxecto de publicación na páxina web oficial con expresión da contía e a súa finalidade, de acordo co disposto na citada normativa.

15. Nomear, se fose o caso, de entre os seus funcionarios, a un grupo de traballo que dedicará unha especial atención ó desenvolvemento e seguimento das actuacións establecidas neste convenio e mailo seguimento dos prazos estipulados no correspondente contrato de execución.

CUARTA.- PROCEDEMENTO DE XESTIÓN

1. A Consellería de Vivenda e Planificación de Infraestruturas, a través da Dirección Xeral de Urbanismo e da Axencia Galega de Infraestruturas, financiará as actuacións ata un máximo de un millón oitocentos dezaioito mil novecientos quince euros con cincuenta e oito céntimos (1.818.915,58 €), IVE engadido, equivalente ao 100% do custo de execución das obras, que fará efectivos mediante transferencia bancaria ao Concello de Baiona, contra a presentación por este das certificacións de obra executada. Non obstante, poderán efectuarse aboamentos parciais, sen que os mesmos xunto co anticipo previsto na cláusula terceira superen o 80% da porcentaxe subvencionada, logo da presentación das correspondentes xustificacións e o cumprimento dos requisitos definidos nos puntos (i) e (ii) do apartado 6 da cláusula terceira.

2. Unha vez rematados os traballos obxecto do acordo, por parte do concello deberá ser xustificado o cumprimento das condicións da execución e a consecución dos obxectivos previstos, na forma establecida nos artigos 28 e 29 da Lei 9/2007. A referida xustificación consistirá, entre outras, na certificación da intervención, ou do órgano que teña atribuídas as facultades de control, acreditando o cumprimento da finalidade para que foi outorgada.

Así mesmo, deberá presentarse un certificado expedido pola secretaría da entidade local, co visto e prace do/a alcalde/sa relativo a aprobación polo órgano competente da conta xustificativa da subvención, segundo o previsto no artigo 10 do Decreto 193/2011, de 6 de outubro, polo que se regulan especialidades nas subvencións ás entidades locais galegas.

Non se entenderá incumplida a obriga de xustificación das actuacións obxecto deste convenio no caso de variacións das contías previstas nas distintas partidas establecidas no orzamento estimado na cláusula segunda, cando obedezan a razóns xustificadas e as actuacións que se levaran a cabo gardan relación directa co obxecto do presente convenio e se compensen uns conceptos con outros, conforme ao previsto no artigo 74.2 do Regulamento da Lei 9/2007, do 13 de xuño, de subvencións de Galicia.

De conformidade co disposto no apartado 6 do artigo 28 da Lei 9/2007, se a actividade se financiara ademais de coa presente subvención con fondos propios, ou outras subvencións ou recursos, deberá acreditarse na xustificación o importe, procedencia e aplicación de tales fondos ás actividades subvencionadas. O incumprimento desta xustificación, ou a súa insuficiencia, implicará o reintegro desta axuda, nos termos fixados no artigo 33 da Lei 9/2007.

Con anterioridade a facerse efectivo o pagamento tal como establece o artigo 60.4 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia o órgano outorgante realizará a verificación previa de que o beneficiario está ao corrente no cumprimento das obrigas tributarias ou fronte á Seguridade Social e de non ter pendente de pago algunha outra débeda coa Administración pública da comunidade autónoma nos termos previstos nos artigos 10 e 11 do citado Decreto 11/2009.

3. Unha vez revisada e validada a documentación xustificativa pola Comisión Técnica, a Dirección xeral de Urbanismo e a Axencia Galega de Infraestruturas aboarán a súa achega económica na conta bancaria indicada polo concello na solicitude de pagamento.

En todo caso, a cantidade máxima que se obrigan a achegar, de acordo co establecido na cláusula segunda, reducirase na mesma proporción que represente a cantidade xustificada respecto do orzamento estimado establecido no anexo I.

A Consellería de Vivenda e Planificación de Infraestruturas limitará, en todo caso, a súa achega económica aos límites pactados no presente convenio, polo que non asumirá os aumentos que se puideran producir.

QUINTA.- RELACIÓN LABORAL ENTRE AS PARTES

A subscrición do presente convenio non implica relación laboral, contractual ou de calquera tipo, entre os profesionais que desenvolvan as actividades e a Consellería de Vivenda e Planificación de Infraestruturas, de tal xeito que non se lle poderá esixir responsabilidade ningunha, nin directa, nin

subsidiaria, polos actos ou feitos ocorridos no desenvolvemento deste. En consecuencia, o concello asumirá a posición de empresario ou contratante verbo de tales profesionais, e asumirá en exclusiva as obrigas e responsabilidades legais que a normativa legal e convencional lle impón verbo destes.

SEXTA.- COMISIÓN TÉCNICA

Para os efectos de comprobar a xustificación achegada da subvención concedida, créase unha Comisión Técnica, que estará integrada por:

- Unha persoa representante da Dirección xeral de Urbanismo.
- Unha persoa representante da Axencia Galega de Infraestruturas.

Esta Comisión Técnica asumirá, sen prexuízo das competencias que correspondan a cada parte, as seguintes funcións:

Estudar a documentación xustificativa das subvencións concedidas achegada polo beneficiario, de conformidade coa cláusula 3 deste convenio.

Controlar, de forma conxunta e global, que a documentación xustificativa achegada acredita a subvención concedida de xeito que se cumpra a súa finalidade e non existan duplicidades de gasto e/ou a concorrencia de outras subvencións.

Validar a documentación xustificativa achegada para os efectos de entender cumprida a obriga establecida no artigo 28 da Lei 9/2007, de 13 de xuño, mediante a emisión dun informe.

A presidencia da Comisión Técnica corresponderlle á persoa representante da Dirección xeral de urbanismo.

Para a súa válida constitución deberán estar presentes todas as persoas integrantes.

Os membros da Comisión Técnica reuniranse coa periodicidade que sexa precisa para o cumprimento das súas funcións, e adoptará os seus acordos por unanimidade.

En todo o non previsto expresamente neste convenio para a Comisión Técnica, seralle aplicable o réxime dos órganos colexiados regulado na sección 3ª do capítulo II do título preliminar da Lei 40/2015, do 1 de outubro, de réxime xurídico do sector público ou lexislación que en diante o substitúa.

SÉTIMA.- COMISIÓN DE SEGUIMIENTO

Para o seguimento, control e avaliación de cantas dúbidas poidan xurdir na aplicación do convenio poderase constituír unha comisión de seguimento, composta por:

- Unha persoa representante da Dirección Xeral de Urbanismo.

- Unha persoa representante da Axencia Galega de Infraestruturas.
- Unha persoa representante do concello de Baiona.

Esta comisión asumirá, sen prexuízo das competencias que correspondan a cada parte, as seguintes funcións:

- Velar polo cumprimento dos fins previstos no presente convenio.
- Realizar un seguimento das actuacións e/ou actividades incluídas no presente convenio.
- Estudar e propoñer, de ser o caso, calquera medida que, en relación cos fins do presente convenio, redunde en beneficio dos obxectivos perseguidos co mesmo.
- Resolver as dúbidas e controversias que se xeren na interpretación e/ou aplicación do convenio.

Os membros da Comisión de Seguimento, ou persoas en quen deleguen, reuniranse cunha periodicidade cando menos semestral, adoptándose os acordos que procedan por maioría dos membros.

Ás reunións da dita comisión poderanse incorporar, por acordo das partes, aquelas persoas técnicas ou representantes das Administracións ou entidades intervenientes, así como se é o caso, representantes doutros organismos ou entidades cuxa presenza se considere conveniente para o cumprimento dos compromisos asumidos en virtude deste convenio.

A presidencia da Comisión de seguimento corresponderalle á persoa representante da Dirección xeral de Urbanismo.

A este respecto, para a súa válida constitución deberán estar presentes os representantes de todas as partes intervenientes no convenio.

En todo o non previsto expresamente neste convenio para a Comisión de Seguimento, seralle aplicable o réxime dos órganos colexiados regulado na sección 3ª do capítulo II do título preliminar da Lei 40/2015, do 1 de outubro, de réxime xurídico do sector público ou lexislación que en diante o substitúa.

OITAVA.- OBRIGAS TRIBUTARIAS E DE ORDE SOCIAL

En aplicación do establecido no artigo 11 f) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, a entidade local aportará, con carácter previo á sinatura do presente acordo e tamén, xunto coa documentación xustificativa que dea lugar aos pagamentos previstos na cláusula segunda, a oportuna declaración responsable de estar ao día no cumprimento das obrigas tributarias e fronte á Seguridade Social e de non ter pendente de pagamento ningunha outra débeda coa Administración Pública da Comunidade Autónoma.

Así mesmo, en virtude do disposto no artigo 4 do Decreto 193/2011 do 6 de outubro, polo que se regulan especialidades nas subvencións ás entidades locais galegas, será requisito para a concesión de subvencións que as entidades locais cumprisen o deber de remisión ao Consello de Contas das contas xerais de cada exercicio.

NOVENA.- PUBLICIDADE

A sinatura do presente convenio suporá o consentimento expreso das partes asinantes para incluír e facer públicos os datos persoais que consten no convenio, e mailo resto de especificacións contidas no mesmo, de conformidade co artigo 15 da Lei 1/2016, do 18 de xaneiro, de transparencia e bo goberno (DOG núm. 30 do 15 de febreiro) e o Decreto 126/2006, do 20 de xullo, polo que se regula o rexistro de convenios da Xunta de Galicia (DOG núm. 149 do 3 de agosto).

DÉCIMA.- PROTECCIÓN DE DATOS DE CARÁCTER PERSOAL

As partes asinantes obríganse ao cumprimento do Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos), da Lei Orgánica 3/2018, de 5 de decembro, de protección de datos persoais e garantía dos dereitos dixitais, e demais normativa vixente de aplicación en cada momento en materia de protección de datos.

UNDÉCIMA.- RESOLUCIÓN

Serán causas de resolución deste acordo as seguintes:

- O transcurso do prazo de vixencia do acordo.
- O acordo unánime de todos os asinantes.
- O incumprimento das obrigas e compromisos asumidos por parte dalgúns dos asinantes.

Neste caso, calquera das partes poderá notificar á parte incumpridora un requirimento para que se cumpra nun determinado prazo coas obrigas ou compromisos que se consideren incumpridos. Este requirimento será comunicado ao responsable do mecanismo de seguimento, vixilancia e control da execución determinado na cláusula sexta, e ás demais partes asinantes.

Se transcorrido o prazo indicado no requirimento persiste o incumprimento, a parte que o dirixiu notificará ás partes asinantes a concorrencia da causa de resolución, e entenderase resolto o convenio. A extinción do convenio por esta causa, poderá implicar o pago dunha indemnización polos prexuízos causados derivados de actuacións xa executadas ou como consecuencia doutras actuacións que teñan que asumir debido ao referido incumprimento.

- Por decisión xudicial declaratoria da nulidade do acordo.
- A imposibilidade sobrevida de cumprimento do obxecto do acordo.

Non obstante, se cando concorre calquera destas causas de resolución existen actuacións en curso de execución, as partes, a proposta da comisión de seguimento, vixilancia e control deste acordo, poderán acordar a continuación e finalización das actuacións en curso que consideren oportunas, establecendo un prazo improrrogable para a súa finalización, transcorrido o cal deberá realizarse a liquidación das mesmas.

DÉCIMO SEGUNDA.- MODIFICACIÓNS

As modificacións formalizaranse mediante *addenda* cos mesmos requisitos e condicións para a aprobación do acordo, agás aquelas modificacións de carácter técnico aprobadas polo órgano de contratación de acordo coa normativa de contratos administrativos que non impliquen a superación do importe máximo reflectido na cláusula segunda do convenio nin o incremento do número de anualidades orzamentarias.

DÉCIMO TERCEIRA.- VIXENCIA DO CONVENIO

O presente convenio producirá efectos a partir da data da súa sinatura e estará vixente ata o 31 de decembro de 2026, sen prexuízo de que ambas as partes acorden unánimemente unha prórroga por un período máximo dun ano adicional en calquera momento antes da finalización do prazo de vixencia, en cumprimento das previsións recollidas no artigo 49. h) da Lei 40/2015.

DÉCIMO CUARTA.- NATUREZA, LEXISLACIÓN APLICABLE, INTERPRETACIÓN E INCUMPRIMENTO

1. Este convenio de colaboración ten natureza administrativa, correspondéndolle en último término a resolución das cuestións que poidan xurdir sobre a súa interpretación, execución e cumprimento á Consellería de Vivenda e Planificación de Infraestruturas. A xurisdición competente para resolver as cuestións litixiosas que poidan xurdir é a contencioso-administrativa.
2. Para o non previsto no presente convenio, resultará de aplicación a Lei 9/2007, do 13 de xuño, de subvencións de Galicia e o seu Regulamento, aprobado polo Decreto 11/2009, do 8 de xuño, e o Decreto 193/2011, de 6 de outubro, polo que se regulan especialidades nas subvencións ás entidades locais galegas.
3. O incumprimento de calquera das cláusulas do presente convenio constituirá causa suficiente de resolución do mesmo.

Este convenio obriga ao cumprimento do expresamente pactado, someténdose ambas as partes ao acordado en todas as estipulacións.

E para que así conste, de conformidade con canto antecede, no exercicio das atribucións de que son titulares os asinantes, e obrigando con iso ás Administracións que representan, asinan dixitalmente o presente convenio na data sinalada.

Pola Xunta de Galicia,
A conselleira de Vivenda e Planificación de Infraestruturas e presidenta da Axencia Galega de Infraestruturas, María Martínez Allegue

Polo Concello de Baiona
O alcalde-presidente, Jesús Vázquez Almuíña



ANEXO: RESUMO DO ORZAMENTO

Capítulo	Importe en euros
01.01 DEMOLICIÓN E LEVANTADOS	27.645,779
01.02 MOVIMIENTO DE TIERRAS	24.850,240
01.03 FIRMES Y PAVIMENTOS	409.803,878
01.04 REDE DE ABASTECIMIENTO	131.655,800
01.05 REDE DE REGO	12.517,845
01.06 REDE DE PLUVIAIS	156.496,430
01.07 REDE DE SANEAMENTO	101.802,409
01.08 REDE DE ALUMEADO PÚBLICO	111.364,179
01.09 REDE DE ENERXÍA ELÉCTRICA	127.589,011
01.10 REDE DE TELECOMUNICACIÓN	92.312,770
01.11 REDE DE GAS	3.500,000
01.12 SINALIZACIÓN	4.460,855
01.13 MOBILIARIO URBANO	19.158,988
01.14 XARDINERÍA E PAISAXISMO	4.312,700
01.15 RESTAURACIÓN	5.433,398
01.16 SEGURIDADE E SAÚDE	15.635,830
01.17 XESTIÓN DE RESIDUOS	14.683,440
<hr/>	
PRESUPOSTO DE EXECUCIÓN MATERIAL	1.263.223,55 €
13,00 % Gastos xerais	164.219,06 €
6,00 % Beneficio industrial	75.793,41 €
<hr/>	
SUMA DE G.X. e B.I	240.012,47 €
PRESUPOSTO BASE DE LICITACIÓN SEN IVE	1.503.236,02 €
21,00 % IVE	315.679,56 €
<hr/>	
PRESUPOSTO BASE DE LICITACIÓN	1.818.915,58 €

